

DEO OPTIMO MAXIMO

VIRGINIQUE MATRI.

QUÆSTIONES MEDICÆ.

XI.

QUÆSTIO THEORICA.

An remedia narcotica refrigerando, somnum inducant?

QUID Somni, quid vigiliæ nomine, quorum alternâ vicissitudine vigere & perennari æconomiam animalem experimur, veniat intelligendum, ad pleniorē propolitæ Quæstionis intelligentiam explanemus, ordo postulat. Liberum sensationum internarum exercitium, organorum tensio, & ad impressiones ab externis corporibus illatas suscipiendas necnon cerebro communicandas aptitudo, motus voluntarios exercendi potentia, quæ vigiliam in sanis constituunt, fibrarum emporii tensionem, elasticitatem, spirituum animalium præsentiam, liberumque ipsorum tum à cerebro ad partes influxum, tum à partibus ad cerebrum refluxum supponunt. Si flaccidæ ergo & collapsæ emporii fibræ elasticitate defraudentur, spiritus ad sensationes & motus efficiendos insufficientes fuerint, vel libera ipsis non pateat via, sensationes ferri internas, externis destinata flaccida, languida, otiosa torpere organa, motibus quoque voluntariis orbari, in statu vigiliæ opposito somni nomine designato, versari corpus, ex tradita doctrina confectarium. Cur vigiliæ somnus, somno rursus vigilia succedat quærenti, perpetuum quod in vigilantibus fit spirituum animalium dispendium rem dilucidat; ut enim varii variarum partium motus, diversaque præstari queant munia, continuo spirituum affluxu tendantur organa necesse: at diu jugi & continuo spirituum affluxu tendi nequeunt organa, quin spirituum dissipatio ipsorum secretionem excellerit, unde sensim minuitur, ac paucissimus tandem fit ipsorum in partes influxus, sensim flaccescunt & collabuntur organorum, cerebri in primis mollioris visceris fibræ: collapsis vasorum cerebri fibris, sanguis in illis difficilè provolutus hæret, ipsaque ita ampliatur, ut jam flaccidas ob spirituum penuriam emporii fibras comprimendo relaxent ulterius, nervorumque pariter comprimant origines. Coarctatis nervorum orificiis spiritus ut antea in partes influere nequeunt, feriantur ob collapsarum emporii fibrarum laxitatem, sensationes; spiritibus orbata otiosa torpent sensuum organa, muscoli languidi, molles, motu libero destituti conspiciuntur, sive somnus adest, donec spiritus, elapsis aliquot horis, sat copiosi fuerint secreti qui collapsis fibris & organis, pristinam conciliare tensionem, necnon varios variarum partium motus ciere possint. Si quis sanguinem ob maximam serositatis suæ inter vigilandum deperditionem spissiore factum, ac consequenter in mollioribus & minus elasticis cerebri capillaribus aliquatenus hærentem cum prædicta à spirituum defectu oriunda laxitate non parùm concurrere dixerit, non habebit me repugnantem.

II

EX tradito quo inducitur somnus mechanismo, pluribus, diversis, imò & contrariis causis induci ipsum posse evidenter patet, quarum nonnullas tantum in præsentī Quæstione examini subijciendas censuimus, de soporosos affectus inducentibus in sequenti Quæstione acturi. Frequentiores itaque somni naturalis causæ sunt, exercitia, evacuationes: A calore etiam & frigore, diverso planè ordine agentibus somnum induci, nemo nescit. Advertendum insuper humido ac pituitoso gaudentes temperamento minùs cæteris esse vigilaces; indeque, cæteris paribus, fœminæ viris, fœtus infantibus, infantes adultis, adulti senibus liberaliori indulgent somno. Respirationem cordis diastolem & sistolem vermicularem intestinorum motum in dormientibus peragi, non est cur mireris; summus nempe rerum opifex, cujus vel in minimis nunquam satis miranda sapientia ac prudentia est, hominis conservationi semper invigilans, nervos respirationis, organa & præfatas partes prospicientes, cerebello, cerebro substantiâ firmiori, cavitatibus destituta, à sinuum pressione immuni, ipsiusque cerebri contra pressionem meningum plicaturis munito implantavit. Neque somnum soli spirituum reparationi conducere credideris; ea etenim est corporis humani machinæ hydraulicæ structura & organisatio, ut perpetuum propter continuum solidorum in contenta fluida pressionem, reciprocamque fluidorum in solida reactionem fiat substantia ipsius propriæ dispendium, idque majus futurum, si cum prædictis causis varii, quibus vigilantium agitur corpus motus majorem solidorum abrasionem inducentes conjungantur, apud omnes in confesso est. Dum è contra corpore ad quietem composito dormitamus, non minor solum fit partium abrasio, sed paccato & uniformi quo donantur fluida motu, succi nutritii quiescentium solidorum serobiculos subeunt, jacturas facilius refarciunt; hincque nutritionem somni tempore meliùs peragi dicat ratio, eorum qui somno liberaliùs indulgent faginatior firmat. Luberet sanè plurima alia somnum comitantia, vel ab ipso pendencia phenomena explicare; sed ad hypnoticorum remedium agendi modi explicationem properemus, strictiores Theos limites urgent.

III

QUAMADMODUM concinnam æconomiam animalis harmoniam debito & naturali somno foveri cernimus, ita si ipse adeo brevior vel protrahior fuerit, ut statutos limites vel nusquam attingit, vel cum notabili functionum læsione transierit, plurima inde subsequi damna, nimis frequentius comperimus experientiâ. Unde salutifera Medicina, quæ remedia impendentibus præcavendis, præsentibus amovendis malis præsentia semper habet, non unicâ somnum præternaturalem curat methodo, necnon medicamina pervigilium sanantia hypnotica dicta subministrat. Horum agendi modum enodamus, proposita nobis Quæstio imperat. Plurima licet sint ea quæ diversa remedia somnum accidentaliter conciliantia, qualia sunt anodyna, topica varia, refrigerantia, &c. ne consuetos limites Theos exceßerit, de his tantum quæ propriâ quâ pollent virtute somnum constanter inducunt agemus; qualia sunt Papaveris syrupi, aquæ, Opium, Laudanum, cæteraque Opii præparationes; quin etiam quoniam Opium nihil aliud est quam succus per expressionem ex capitibus & foliis Papaveris in Ægyptia & apud Græcos crescentis extractus, si ejus agendi modum explicaverimus, præsentī Quæstioni fecisse satis arbitramur. Non parùm sollicitos hujusce phænomeni explicatio tenuit majorum nostrorum animos: nonnulli eò præcipuè quod refrigerantia medicamina parte suâ gelatinosâ somnum nonnunquam inducant argumento fultuli, Opium pariter glutine quodam spiritibus coagulandis idoneo somnum inducere contendunt. Nos autem Opium methodo superiùs traditæ somni & vigiliæ theoriæ, necnon phænomeni ipso assumpto apparentibus magis congruenti agere opinamur; sanguinem nempe integrantibus Opii particulis tenuissimis summèque activis expandi & rareferi existimamus, sic expansum & rarefactum sanguinem vasa dilatare, eaque ad frequentiores & validiores contractiones stimulare, quibus expansus, æstuans & rarefactus ulterius sanguis minùs elastica cerebri vasa dilatando, fibrarum emporii, nervorum originum, ipsorumve spirituum secretoriorum vasorum compressioni conducendo, somnum conciliat. Hunc genuinum esse Opii agendi modum confirmat, qui assumpto Opio percipitur corporis calor, confirmat pariter plenior & frequentior pulsus. Turcas insuper ut fortiori sint animo, & viribus valeant, Opium ante prælium comedere; nonnullos etiam nostra in Gallia assumpto Opio vegetiores & alacriores fieri notum omnibus est.

Ergo remedia narcotica non refrigerando somnum inducunt.

ASSERTIONES.

Corpus humanum ubique transpirat.
Famis sedes ventriculus.
Membrana pituitaria olfactus organum.

PROBLEMATA.

An vir studiosus studio deleatur?
An sanguinis transfusio utilis?
An patrum mores cum sanguine ad natos transeant?

PARADOXA.

Homo sine respiratione vivit.
Sanguinis officina jecur.
Lingua ad loquelam non est necessaria.

Has Theas (Deo Optim. Maxim. & Virgine Dei-Parâ faventibus, pro adoptione in Facultatem Medicam Pictaviensem propugnabit JOANNES-JACOBUS POITEVIN, Pictaviensis, Doctor Medicus Mompeliensis, die solidâ decimâ-tertiâ mensis Julii, anno Dom. 1734.

IN SCHOLIS MEDICORUM.

PICTAVII, Apud JOANNEM FAULCON filium, Academiæ Typographum, è conspectu viæ Franciscanæ,

P.M.P.
BIBLIOTHEQUE